

史 記 卷 之 一

楚
崗
志
略

吳省蘭纂

中
華
書
局

楚崗志略

此據藝海珠塵本
排印初編各叢書
僅有此本

向以卜吉凶向其室則相慶以爲鬼享其餘也他向則皆愀然不樂主人驚惶失措以爲鬼將嫁以禍也苗置大榻高四五尺炊以煤炭之屬男女雜臥其上雖翁姑子婦兄弟妯娌略無嫌忌即客之投宿者亦與共處不爲怪也謂之火床

苗人析居乃另置床人處其上牛羊犬雞即養其下

苗稍有仇隙即相殺無已時必竭力排解始可相安其洩人排難謂之講歹以財償死者之家謂之倒骨價主盟者謂之背箭和處者謂之牙郎又謂之行人

苗稱官府曰老皇帝兵曰郎民曰客

苗呼其同類爲同年婦爲同年婢

苗以竹之榮枯驗歲之豐歉出行無論遠近必斷草卜休咎以定行止

苗不知書算但刻木記事而已噫其有結繩之風歟

苗無歲月干支但曰鼠年至猪年虎月至牛月鼠日至猪日往復相循而已

苗取漢人不卽殺之夏天置日中名晒日冬天去衣置露中名晒霜

苗女嫁日步行自擎雨傘負籠盛木枕被褥等物戚屬送至夫家權飲三日夜則新婦與母同宿母索婿家財物而歸名曰孃錢

苗人始死卽出尸于庭中斂畢送至山中著芒接離名曰茅綬各執竹竿長丈餘上三四尺猶帶枝葉其

行列前後皆有節奏。

苗惟寨長薙髮。餘皆裹頭椎髻。去髭鬚。短衣跣足。以紅布搭包繫腰。着青布衫袴。富者以網巾約髮。貫以銀簪四五枝。左耳貫大銀環。項帶銀圈。手帶銀釧。足纏青布。登巉崑如履平地。越溪箐疾若猿猴。苗之未娶者曰羅漢。女之未嫁者曰觀音。

苗呼年少者爲馬郎。

苗人生男卽斂錢爲賀。及長。製刀環佩之。習長矛躡弩。□□□□出入與俱。與人鬪死。其家卽掩而埋之。終不發聲。恐人知之。卽譏其不武也。喜爭嗜殺。若性成者矣。其地亦能紡織。有苗錦。苗被苗巾之屬。溪崗多梗楠。黃楊。藥。然苗人不之貴。并不之識也。

苗人請客。先飲以薑湯。或胡椒。以爲敬。

苗人量糧。以四小碗爲一升。買布以兩手一拓爲四尺。苗婦之飾。用銀簪。項圈。手鐲。行膝。一如男子。惟兩耳皆貫銀環。兩三圈。衣較男子稍長。斜領直下。用錫片紅絨。或繡花卉爲飾。富者戴大銀梳。以銀索密繞其髻。腰不繫帶。不著中衣。需用崗錦。而青紅間道。亦有釘錫鈴繡絨花者。或兩三腰不等。與男子異。祭祀後飲福酒。名曰做鬼。

苗人大會必宰牛。以火燎去毛烹之。曰火燂肉。懸牛首于棚。以相誇耀。其俗以食牛多者爲富。苗人列長木。空其中。宴飲之後。令婦女之美者擊之。凡善歌者。皆伶服按節而和。曰跳鼓。

苗人謂一爲哈。謂二爲偶。謂三曰補。呼山亦如字。謂四曰彼。謂五曰罷。謂六曰着。謂七曰中。謂八曰億。謂九曰仇。謂十曰個。謂百曰阿八。謂千曰阿采。謂萬曰阿萬。呼天曰各達。呼地曰羅。謂天晴曰魯內。謂陰曰乍內。謂東曰勾驪代。謂南曰紀中。謂西曰勾驪莽。謂北曰紀達。謂天晚曰莊內。謂夜行曰晦際芒。呼祖曰阿譜。呼祖母曰阿娘。呼父曰阿巴。呼母曰阿米。呼伯曰馬龍。呼叔曰馬馨。呼兄曰阿那。呼弟曰得苟。呼子曰得。呼女曰得帕。謂吃飯曰櫛利。謂公道曰若理。謂不公道曰乍腮。自呼曰委。呼人曰蒙。謂娶親曰內戳。謂嫁女曰張得帕。謂祭神曰綽滾。謂殺人曰打內。謂來曰攏。謂去曰徹。謂過年曰桂前。謂偷竊曰業內。謂搶奪曰這忒內。謂和事曰跌掌。謂和事不成曰肘跌掌。謂請客曰請內哈。說人兇曰阿內內窩。謂大曰隆。謂小曰得。謂欠債曰斗折。謂還債曰必折。謂水曰阿。謂火曰斗。謂天雨曰儂。謂雪曰拍。六月二十四日相聚食牛豕。謂之把火節。